



3. Tschanteda da la suprastanza cumünela in marculli, ils 13.2.2019 a las 19.30 in chesa cumünela S-chanf

Presidi: Gian Fadri Largiadèr

Preschaints: Liun Quadri, Roman Parli, Mario Mammoliti

Suppleant: Linard Luzi

Absaints: Paolo Bernasconi

Actuar: Gian Luca Vitalini

Tractandas:

- | | | |
|-----|-------|---|
| 1. | | Protocol |
| 2. | 0.211 | Dumandas da fabrica |
| 3. | 0.212 | Persunel |
| 4. | 3.400 | Permiss da traget Swissalpine |
| 5. | 8.160 | Surdeda da lavuors cumpressur resgia |
| 6. | 2.100 | Surdeda da lavuors installaziuns electricas chesa da scoula |
| 7. | 1.600 | Surdeda da lavuors analisa da prievels S-chanf – Zuoz |
| 8. | 3.000 | Dumandas da contribuziun |
| 9. | 0.123 | Delegaziun CCE |
| 10. | 9.999 | Varia |

Il president fo la dumanda per piglier sù la tractanda regard la delegeda da la CEE.
La glista da tractandas vain approveda cun il giavüsch dal president.

Protocol: Il protocol da la tschanteda dals 30 schner 2019 vain approvo
unanimamaing.

Protocol da descisun

22 0.211 Dumanda da fabrica

Müdamaint dal projet da la nouva halla Bos-chetta Plauna

L'archtiet Marco Glisenti preschainta il nouv plan dal tet da la resgia scu cha'l depüto Liun Quadri vaiva preschanto illa tschanteda dals 16 schner 2019. Ils cuosts da planisaziun vegnan tres que ca. fr. 3'000.00 pü cher, las lavuors in lain vegnan fr. 19'500.00 pauschel ed il tet vain stimo sün fr 32'000.00. Ils cuosts da la firma Angelini SA vegnan arduond fr. 8'000.00 pü favuraivel. Surtuot vegnan ils cuosts totels per arduond 24'500.00 pü favuraivel scu previs aint il preventiv. La suprastanza cumünela aderischa il projet surelavuro.

18.13, Bos-chetta Plauna SA, ingrandimaint da la deponia Bos-chetta Plauna, div. parc. S-chanf

La Bos-chetta Plauna SA ho, scu gestiunedra da la deponia Bos-chetta Plauna, inoltro la dumanda da POZ per pudair glivrer giò tuot la procedura in connex cun l'ingrandimaint da la deponia.

L'agir es gnieu coordino cun l'uffizi per il svilup dal territori dal Chantun Grischun. La dumanda es gnida publisheda in quist sen, aint il fögl ufficiel ed illa Posta Ladina cun data dals 24 meg 2018. Dürant il temp da publicaziun nu sun entros üngüns recuors ne in vschinauncha neir tar l'uffizi. Cun que po l'uffizi chantunel perseguiter la via d'appruzaziun. Quel ho pudieu gnir finelmaing serro giò cun il permiss definitiv cun data dals 15 schner 2019.

Impü vain la vschinauncha da S-chanf rendida attent suot punct 3 dal permiss chantunel, cha seguaintas agiuntas haun da gnir publishedas cul permiss da fabrica da la vschinauncha:

1. Il permiss dadour la zona da fabrica cun data dals 15 schner 2019.
2. Decret dal departamaint d'educaziun, cultura e protecziun da l'ambient dal chantun Grischun per permiss da s-chev da gera, sablun ed oter materiel impü cun ün acconsentimaint per ün inasgramaint relevant da l'ajer cun data dals 27 december 2018.
3. Decret da l'uffizi per la natüra e l'ambient cun seguaint cuntgnieu;
 - a. Permiss per s-chaffir üna deponia (AV.-2018-643)
 - b. Permiss per pudair piglier in consegna s-charts controllos (AV-2018-644)
 - c. Permiss per gestiuner üna deponia (AV-2018-645)

Cun data dals 24 schner 2019 es entro il permiss da l'uffizi da construcziun bassa dal Grischun per l'utilisaziun dal terrain public cul nr. 19.10.001.

Tuot las cundiziuns e pretaisas velan scu part integrela dal permiss da fabrica.

La dumanda in fuorma POZ dess gnir aderieu cun tuot ils permiss e resalvas fattas a part dals differents uffizis involvos.

Las pretaisas e cundiziuns da tuot ils uffizis haun da gnir integredas aint il permiss POZ.

La suprastanza cumünela decida unanimamaing d'appruver il permiss da POZ.

23 0.212 Persunel

Scoula da perfecziunamaint da Marco Solèr scu capolavuraint forestel

Las vschiaunchas da S-chanf e Zuoz scu possessuras pü grandas da god drouvan üna structura da persunel chi funcziuna. Per pudair coordiner l'andamaint da process uschè bain cu pussibel. Marco Solèr chi lavura daspö ils 01. gün 2018 tar l'uffizi forestel da S-chanf e Zuoz, es interesse fich ferm da fer quista scolaziun. La suprastanza cumünela decida unanimamaing d'aderir la scolaziun da perfecziunamaint da sar Marco Solèr. La vschinauncha scu donatura da lavur surpiglia las spaisas e la peja dürant la scolaziun. Impü vain stipulo cun sar Marco Solèr üna convegno da scolaziun sur trais ans.

Tscherna bos-cher 100%

Per pudair realiser la planisaziun annuela 2019 es la piazza vacanta urgiantamaing da rimplizzer. Il silvicultur e'l chanzlist haun survgnieu diversas annunzchas per la piazza chi d'eira publicheda mited december 2018 illas medias. Zieva ils divers discuors haun il silvicultur e'l chanzlist decis a maun da la suprastanza cumünela da tscherner a sar Gion Fadri Bergamin. Sar Gion Fadri es bos-cher cun grand'esperienza sün sieu champ da lavur. Quist es ün grand avantag per pudair sustgnair a Marco Solèr düraunt sieu temp da scolaziun scu capolavuraint.

La suprastanza cumünela decida unanimamaing da tscherner a sar Gion Fadri Bergamin scu nouv bos-cher da la vschinauncha da S-chanf.

24 3.400 Sport Permiss da trajet Swissalpine

La cuorsa dal Swissalpine Maraton passa quist an da Samedan sur San Murezzan a Bravuogn fin a Tavo. La cuorsa passa eir sur il territori da la vschianucha da S-chanf da la chammana da Kesch fin tal pass da Sertiv e da l'otra vart dal Pass da Scaletta fin tal Pass da Sertiv. La data da l'occurenza es ils 27 lügl 2019.

La suprastanza cumünela decida unanimamaing da der il permiss per l'occurenza dal Swissalpine per pudair fer il Maraton eir da l'an 2019.

25 8.160 Resgia Surdeda da lavuors compressur per la resgia

Per cha la maschina per fer laina arduonda po gnir pigliada in funcziun voul que ün compressur. Il depüto Liun Quadri ho piglio aint trais offertas. Il depüto fo la proposta da surder la lavur a la firma Eigenmann per fr. 8'900.00 incl. isp.

La suprastanza cumünela decida cun 3 cunter 2 vuschs da surder la lavur a la firma Eigenmann AG per fr. 8'900.00.

26 2.100 Scoula primara Surdeda lavuors installaziuns electricas illa chesa da scoula

Per chi paun gnir glivredas las lavuors da la firma informatica AG regard il WLAN illa chesa da scoula voul que auncha diversas lavuors ed installaziuns electricas. La firma Elektro Koller ho offrieu quistas lavuors per fr. 9'991.75 incl. isp. I fo sen, cha la firma Koller exeguischa las lavuors, causa ch'els haun già fat tuot las lavuors i'l passo e cugnuschan la situaziun illa chesa da scoula.

La suprastanza cumünela decida unanimamaing da surder las lavuors a la firma Koller per fr. 9'991.75 incl isp.

27 1.600 Protecziun civila Surdeda da lavuors analisa da prievens

Zieva cha la suprastanza cumünela ho decis in sia tschanteda dals 07 november 2018 d'invider ils büros d'indschegner Caprez, CSD e AF Toscano per pudair offrir l'analisa da prievens traunter las duos vschinaunchas da S-chanf e Zuoz ho il chanzlist survgnieu las

offeratas. Las offeratas sun gnidas tramissas a l'uffizi da militer e protecziun civila a Cuira per la controlla. Ils duos chanzlists da las vschinaunchas haun proponieu il büro Caprez da Silvaplauna, causa cha l'offerta cuntegna tuot ils cuosts e causa cha'l büro Caprez ho già fat las lavuors illas otras vschinaunchas in Engadin'Ota. Quista dumanda es gnida aderida da l'uffizi. L'uffizi supriglia 50% dals cuosts da l'offerta la pü bunmarcheda. La proposta dal chanzlist es da surder la lavur al büro Caprez da Silvaplauna per fr. 13'900.00 incl isp.

La suprastanza cumünela decida unanimamaing da surder la lavur al büro d'indschegner Caprez da Silvaplauna per fr. 13'900.00 incl. isp.

28 3.000 Cultura
Dumandas da contribuziuns

La suprastanza cumünela aderischa seguaintas dumandas da contribuziuns:

- L'Opera San Murezzan cun fr. 500.00
- La Lia Rumauntscha cun fr. 1'100.00 pel giubileum da 100 ans a Zuoz.
- La societad «Ferienspass» per l'an 2019 cun fr. 250.00.
- La societad da la via da San Giachen dal chantun Grischun chi passa a S-chanf cun fr. 125.00.

29 0.123 Delegaziuns
Delegeda CEE

Causa la demischiun da sar Not Carl scu president da la CEE, voul que üna nouva persuna pel presidi. Sar Victor Peer il president da la vschinauncha da Valsot e sar Emil Müller il president da la vschinauncha da Zernez vegan tenor ils cumüns conecssiunaris in dumanda per il presidi.

La suprastanza cumünela sustegna unananimamaing la candidatura da sar Emil Müller scu president dals cumüns concessiunaris.

30 9.999 Varia

La suprastanza cumünela piglia cugnuschentscha:

Charta RhB regard las imsüras sül traget Bever – Guarda che per restricziuns cha que ho süls parkegis tar la staziun da S-chanf.

Procedura da consultaziun dals statüts da la fundaziun dal provedimaint da sandet Engiadin'Ota.

Charta dal departamaint da güstia, sgürezza e sandet dal chantun Grischun regard la procedura da consultaziun per la revaisa parziela da la ledscha sur la promuziun da chüra da persunas cun bsögn da chüra.

La suprastanza cumünela piglia in vista da fer sia dieta ils 14.06. – 15.06.2019.

Reguard il ballin da Chalandamarz piglia la suprastanza cugnuschentscha da la comunicaziun previssa illa «spia d'üerdi». La suprastanza cumünela constattescha, cha la festa vegn organisada da la scuola da S-chanf (patrunas e patruns). Il cussagl da scuola ho da surpigliar la respunsabiltad per tuot la düreda da la festa!

A las 21.20 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini